

docriker 文川网
入駐商家
在文川网搜索古籍书城 获取更多电子书

中國方志叢書·華北地方·第五〇〇號

據

民國·耿光棟監修，張汝瀛總纂
民國二十一年鉛印本

影印

河北省

景縣志



1965.75

成文出版社有限公司印行



10106124

中國方志叢書·華北地方·第五〇〇號

據

民國·耿兆棟監修，張汝漪總纂
民國二十一年鉛印本

影印

河北省

景縣志



成文出版社有限公司印行



10106125

中國方志叢書·華北地方·第五〇〇號


據

民國·耿兆棟監修，張汝漪總纂
民國二十一年鉛印本

影印

河北省

景縣志



516596

成文出版社有限公司印行



10106126

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華北地方·第五〇〇號

據


民國·耿兆棟監修，張汝瀛總纂
民國二十一年鉛印本

影印

河北省

景縣志

60/675



成文出版社有限公司印行



10106127

中國方志叢書·華北地方·第五〇〇號


據

民國·耿兆棟監修，張汝漪總纂
民國二十一年鉛印本

影印

河北省

景縣志



915770

成文出版社有限公司印行



中國方志叢書·華北地方·第五〇〇號

據

民國·耿兆棟監修·張汝瀾總纂
民國二十一年鉛印本

影印

河北省

景縣志



7016575

成文出版社有限公司印行



10106129

中華民國六十五年 月壹一版

景 縣 志

全六册

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三號二四〇室五號

印刷者：成文出版社有限公司

內政部登記證內政台業字第一一四七號

慶間州牧何君所創始至清乾隆十年州牧屈君復取而釐訂之然綱目尙未詳備迄今垂二百年簡斷編殘竟使文物典章隨露草荒煙以漸滅長斯邑者竊爲愍焉憂之因思疆域無志何以知輿圖之廣狹風土無志何以知民俗之淳漓政治無志何以知戶口之增減賦稅之重輕人物無志何以知忠孝之眞純與事功之堅卓而且不志教育無以培人材不志物產無以興工業凡此一邑掌故倘不及時修明將湮沒弗彰何能昭往古而示來茲又况世局隨潮流而變易治體因人事而遷移近數十年變法革命百務維新於斯時欲纂修縣志必須廣進化更新之意有不得僅以拘守成規爲藏事者

以簿書鞅掌

案牘紛羅原不敢以載筆爲己任適張君汝漪自津旋景因延與商訂知民國十六年曾經前縣長王君功鎮開局採訪事未半而中止爰取閱舊稿尙存數冊是卽編訂之權輿也正思繼續進行適省府令行到縣奉中央採取志料則斯舉更無容緩爰招集紳耆並各機關開會議決成立重修縣志委員會縣長爲當然主席兼監修聘張君汝漪爲總纂卽藉張宅客廳爲會址更延諸文士共襄其事於去年五月開始編纂余亦時相過從商去取決可否參互考訂凡舊志之缺者補之誤者正之綱舉目張燎如指掌標其綱曰疆域產業政治教育風土人物藝文故實共八門十四卷閱年餘而告成此後徵文考義歷歷如

繪庶可上備省府之採擇下昭奕世之儀型以成一邑之信史
焉卽後之長斯邑者亦一披覽而知全縣之規模未始非爲治
之一助也時爲序

民國二十一年歲次壬申秋七月署理景縣縣長唐縣耿兆棟
撰

重修景縣志序

郡邑之有志其古史之遺乎非僅鋪張事蹟侈談聞見而已也
固將規天時以興地利開民智以育人材證往古以昭法戒義
例惟嚴筆削惟謹誠近乎史而非謬也前代以志學稱者如康
對山之志武功陳士業之志南昌夏彝仲之志長樂當時艷慕
之而後之作者猶或非之況不及康陳輩者非之更將何如耶
吾景之志遠不可考舊志防自明隆慶壬申及清康熙間重修
兩次至乾隆十年邑侯屈公成霖暨鄉前輩趙進士移李孝廉
基塤劉鴻博鵬振又重修一次迄今閱一百八十餘年其間之
文德武功忠孝節廉以及風土之變遷政俗之改革胥待考詳

而記載際此守缺抱殘欲一一臚列而無遺焉誠憂憂乎難之
然苟不及時編續恐代遠年湮更將杳不可考而且近三十年
來清季之變法民國之革命凡百制度棄舊更新此時重脩縣
志須存古而不泥於古更宜有啓發智識革新庶政之意以厲
乎其中是則編續之更難也民國十六年王縣長功鎮蒞景見
縣志年久失脩因商及紳耆備函至津邀 汝澇 回景編纂並函
聘史君祥甫暨 族姪 蔭萱設局採訪各區來稿甚夥然 汝澇 爲
津事羈絆未能回景至十七年以軍事紛繁事竟中止今者天
假之緣唐縣耿公來長斯邑公車甫至問俗採風卽慨然以重
脩縣志爲急務值 汝澇 由津旋景感縣長提倡盛意極爲贊同

正在商訂之際適省府令行到縣採取志料爰由縣長召集各機關首領暨各紳耆定期開會詢謀僉同遂成立重脩縣志委員會共推 汝澣 爲總纂路君鳴珂曹君福慶陳君錫孝張君堃閣君慶棠劉君聖平劉君興漢王君郁文爲編訂自去年五月開始編纂考建置之興廢察人事之遷移類別門分列爲大綱者八並皆附以節目凡舊志所載者依然編入其新採訪者則繼續而臚列焉同力合作三易稿而始告成特是幽光潛德已往者恐遺於表彰進化更新未來者恐無能啓迪而且宜因者何事宜革者何事宜提倡者又何事凡覘天時以興地利開智識以育人材證往古以昭法戒者尤不知能有合斯意焉否耶

又豈得僅以鋪張事蹟侈談聞見爲盡職哉至若比優劣於古史較得失於前賢則更未之敢望

民國二十一年歲在壬申十一月上澣邑人張汝漪謹序

重修景縣志後序

粵自司馬氏承春秋而作史記繼之以班范兩漢書降而至於陳壽三國志志之稱名於斯乎定矣夫志之爲言識也卽識大識小之義也厥後國家有一統志畿輔有通志郡縣有志大而輿地河渠官職侯封小而農工商務里巷歌謠無不遠紹旁搜不厭求詳編次成書可略言焉夫煌煌鉅典存之史館而風土人情必取資於一縣則泰山不讓土壤故能成其大河海不擇細流故能就其深審是縣志之修不綦重哉我景縣志自清乾隆十年縣令屈公成霖建議重脩一時碩儒宿學刪定纂修卓然可觀於茲越六世矣君子之澤五世而斬至此更有難爲續

docsriver 文川网
入驻商家 古籍书城

在文川网搜索古籍书城 获取更多电子书

述者撫今追昔瀏覽舊志未嘗不歎文獻之不足故也然幽光潛德不能終闕抱殘守缺亟待修補若是則縣志之重脩可緩乎哉凡事不有創始難與圖成不有啓發無從著手此鄉邦人士所爲汲汲焉遑遑焉有志而未逮也於民國十六年幸有縣長王公功鎮蒞景見縣志之失修有年慨然有志進行遂邀集諸紳耆開會議決聘請總纂主任採訪分任其事彼時張君湘泉寄住津門備函請爲總纂遂卽設局採訪有史君張君分任其事一時之採訪員及四區之投稿者累牘連篇日不暇給延至六七月之久大體雖未就而所得之稿本亦多多易辦矣而王公極力提倡再接再厲亦正如史游急就篇亟付鉛槧爲滿

意未幾時局變遷王公去職矣事遂中止至二十年春間縣長
耿公兆棟公餘之暇翻閱舊帙每以事廢於半途爲可惜適值
省府令催縣志料遂召集各機關各紳耆開會設局重修成立
重修縣志委員會仍聘請張君湘泉爲總纂有諸同人分任編
輯錫孝亦忝側其列竊以衰朽殘軀不能勝任恐有曠職之嫌
逾四五月卽行告退是或藏拙之一道也今已至二十一年十
二月志告成矣招集全體開會定期散會回思閱二十月之風
光諸同人辛苦耐勞兩歷寒暑洵非易事而總纂竭慮殫精綱
舉目張固已燦然大備矣然總纂久住津門因家事之羈絆不
能時常往會分門別類列爲大綱者均預定計劃分析詳明至

於編次節目斟酌損益繁者簡之散者約之錯譌荒謬者更正而考據之裝訂成書堆案盈尺其貴高足閤君召穰之力居多焉涑水司馬溫公作資治通鑑而劉范相與有成其殆如斯歟

錫孝

以前列採訪後入編輯兩次重修均濫芋充選於其中雖未能補助於萬一亦欣欣然樂觀厥成焉是爲序

中華民國二十一年歲次壬申嘉平月日長至後邑人陳錫孝

謹識

原修叙

圖畫景之形跡者點綴宛然可觀歌咏景之風物者興趣悠然
堪聽苟圖畫而入諸志則其點綴之委曲將益備也并歌咏而
入諸志則其興趣之暢達將具悉也胡圖畫歌咏之垂固家傳
而可遍傳記表志之缺乃自昔而迄今何哉嘗思之逞辭者才
或畏蒙好醜紀事者籍或畏議簡繁州值征冲則歲月易移政
馳急務則文墨竟廢然景地非小也雖小何可亡志也彼一念
之光明觀心者尙冀其久畜一人之善行取法者尙爲之默識
則宦跡所及可無以志其跡哉故吾嘗登董子書臺適觸夫正
誼明道之心望亞夫荒塚聿動夫陳詞薦酒之享巡三夏之任

而農家胼胝力穡聽兩造之訟而民多淪變安貞車挽肩負者顧孰與不足以有易無者皆莫之或欺因訝俗何其樸厚也似遊于懷葛之民物中也時何其太和也似在于虞周之宇宙間也烏得莫之志以貽後人仰思哉適越徐君大佑司訓州庠素富于蘊籍猶有奇思能勤于綴文猶有高識遂專意以志屬之復冀其往不必追也議不必計也稽之鑑首于威烈無始也禮缺于冬官罔終也古事然也何惑于今是故文獻之不足者曰無徵不知爲不知者曰闕文能附會而不敢附會者曰傳疑古之略者若是也載詳于甲第而人譏之曰是何進士錄也載詳於賦役而人譏之曰是何黃白冊也今之詳者若是也茲惟盡

已事焉耳獨志有訓誠焉檇杙春秋均一史也春秋以褒貶嚴而著爲經長編綱目亦均一史也綱目以是非當而守爲式徐君其急訓誠哉兩月而編集告成果可驗其所養矣凡六綱十二目篇有佳妙字皆精確搜覽悉而選擇純彙集當而發明麗許因備闕而謂此之觀聽者遠也圖畫云乎哉歌咏云乎哉于是憶自昔志之缺者其亦有待矣乎

隆慶壬申重陽日景州知州羅許撰

次修叙

國家聲教覃敷幅員萬里重熙累洽號稱至治歲壬子輔臣請
修大清一統志以記厥盛部覆奉有俞旨通行直省所屬州縣
衛所各編通志上佐昭代文獻煌煌巨典洵曠世而一見也魁
備員景牧欣逢盛事敢不恪奉恐後哉念魁廣寧下士叨父廕
筮仕淳令歷陞州府都運謫補今職習吏廿載中多茅塞著述
之任豈謏劣所可克勝爰進廣文王君時雍而諮之擇諸生中
博學者六人曰呂克諧吳長策馬萬里申鍾嵇宋錦李國祐工
書者二人曰張世則聶經開局於名宦祠中給以筆札飲膳俾
纂輯之搜勝國之殘編續近代之軼事幸非無徵因附以臆見

定厥體裁分爲四卷列爲二十四目書成恭進列得拜稽颡者以弁簡端夫州之有志州之實錄也豈徒爲聞見考稽之資抑將以補偏救弊起衰維風而貽生民樂利於無窮也景爲州屬瀛海魁彘刺府事景之俗尙民情固嘗悉其大概及辛亥秋之親牧茲土也目擊城垣頽敝官舍平蕪學校圯壞怛怛心動而受事則有編審之役逐戶詳核殘廢孑黎鶉衣鵠面不忍見聞未幾復奉憲檄督壕墻單騎滅從周行阡陌地多鹵薄卑下旬日不雨田禾盡焦一遇秋潦衛河決溢則悉爲魚鼈豈非以界於德吳而難於防乎又當南北孔道水陸交衝公私驛騷亦云艱已比年來蚤作夜思不遑寧處城舍雖議修矣而屹然金湯

有基勿壞未可以旦夕而責效也澤宮雖捐葺矣然所貴乎學者當非僅取墻壁具而已敲扑不事國賦縱云全完而糧從地起地去糧存者未盡乏也萑苻無警百姓幸爾粗安而思患預防保無有意外豕突之虞乎以迨積穀備荒築堤捍患養老恤甿種種大政此皆守土之責不得等諸秦越人之肥瘠而膜外置之者也魁聞之矣致治之道在力行不在多言奉公之要貴實事不貴空文亦惟是精白自矢痲痺乃身思日孜孜以圖之庶克副上臺訓戒安民之至意以仰贊我國家興隆之治於萬一云爾

康熙十一年歲次壬子季冬吉日景州知州張一魁謹叙

三修敘

景郡卽古蔣地歲己未珂來牧茲土甫下車卽訪治問俗求所謂往規而因之得景志四冊迺前任張守所訂者因撫卷歎曰後之視今猶今之視昔微此編則往事散軼而後來者何所攷乎越歲庚甲奉憲檄將康熙十一年以後事續編成書風塵下吏謬膺斯任惴惴滋懼爰進文學呂生輩取前志而纂續之因復親爲校訂付之殺青志成敬進例得有言弁端竊謂志者誰也所以鑒古而垂後也自有郡以來宦斯土者夥矣爲民所尸祝者凡幾爲民所嫉怨者凡幾及碌碌無所短長者凡幾後之君子宜何居焉式董子之閭弔伯恭之墓心竊嚮慕之郡子弟

docsriver 文川网
入驻商家 古籍书城

在文川网搜索古籍书城 获取更多电子书

能嗣前徽亦有司高山仰止之一助也而且重有感矣景界在燕齊間當水陸之衝軍興以來減存差繁民亦勞止兼之頻年荒歉雨澤後時雖齋心步禱多方賑恤不至流離失所然元氣未復卽補苴目前奚益也堞隍脩歟水利興歟恐未信之民竊以爲厲矣習俗敦歟廉讓崇歟民生未厚未可遽言正德也凡此皆今日政治民生之大者非長吏之責而誰責哉恭逢皇上天威遐暢諸逆削平百姓有息肩之期憲臺攬轡伊始風清畿甸監司郡伯各上臺罔不仰體至意以撫綏元元爲勸誡此字內大治之機非第景民之幸已爲下吏者若不恪恭從事而徒以虛文塗飾也則非誼之所敢出矣玆用自勵且願爲諸同人

告焉

康熙十九年歲次庚申九月奉直大夫知景州事關中張鳴珂
撰